

序言重录

首修谱序一

天下事有为之甚难而成之甚易者则即其成之之易并忘乎为之之难也兹谱之修为之也固难而成之也则尤难戊子岁余族奋然有修谱之举议论不一而事竟不成越十余年癸卯岁同姓岁进士讳淑者毅焉为之纠首举凡邵邑同姓者即合而修之而一倡百和群举余堂兄讳成综字于海者任其事经理三载淡泊难苦备嘗之矣乙巳夏将告竣而族议又不一谓余姓自赐姓授氏以来代远年湮固无可考即自先朝迁徙于邵邑者姓虽同而原籍迁徙不同不必强为之合也于是乎各亲其亲即我本支自 宗公以下虽支分派别则皆余 祖之血脉也继自今而 祖宗之传流不失子孙之班序以一庶不至有代传失序之恨矣

承于海兄命余为序余阅兹谱凡高曾孙元生存歿葬以及坟墓形向宗房大小无或乱也无或漏也无或讹且越也斯不亦井井不紊皇皇可观也哉濂也无知不敢侈名公之序文不敢誇族中之人物第序其始于癸卯竣于乙巳以述其为之之难与夫成之之难也云尔是为序